

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CC.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

CC.

HEINRICI MARCHIONIS HACHBERGENSIS SEN-
TENTIA FEUDALIS IN CAUSSA CASTRI
SPANEGGE.

A N N O M C C C V I.

Ex Tabulario Bada-Durlacensi.

Wir Margraue HEINRICH von Hahberg fassen ze gerichte ze Bvrgheim in der stat vor vnfern mannen, vnd tvn kvnt daz vnser brvder Margraue Rvdolf von Hahberg kam für vnf vnd für vnser man, vnd klaget vf Johanfen von Spanegge, Hrn. Spenlinf seligen svn vmbe ein lehen *Spanegke* die Bvrgk vnd alles daz darzv höret, daz emales von vns beiden lehen was, do vraget ich die man vf irn eit, ob ez zit were ze richtende, do erteilten sie ez were zit vf irn eit, do klagete min brvder vf den vorgenanten Johanfen vnd brachte für mit den mannen daz do sin dritter tag waz vnd daz er gewartet het ze allen tagen als er ze rehte solte, vnd als reht waz. Er hatte in och getröstet für gerichte für vns beide vnd für alle die vnfern, als reht waz, ane alle geuerde. Do kam der vorgenante Johanf nüt für noch nieman der in verantwurte, do erteilten die man vf irn eit, wan der daz gerichte vermahete vnd nicht fürkam, noch nieman von finen wegen der in verantwurte, daz ime dü vorgenanten lehen lidig weren worden eigentlich

Cod. Dipl.

S s

mit allem rechte, vnd daz er damitte möchte tvn vnd lan waz er wolte. Wir die man vnferre vorgeanten Herren die dez tages da zegegen waren, veriehen alles des da vorgeschriben stat, vnd daz wir der vorgeschribenen vrteile einhellekliche kamen überein vf vnfern eit, mit Räte dez edeln Herren, grauen Otten von Strazberg vnd andere erberen Rittere die hie nach geschriben stant Hrn. Chvnen von Berkein dez jvngen Hrn. Chvnratz dez langen Münch von sant Peter Hrn. Hvgef von Velthein, Hrn. Chvnratz Kuchelin, Hrn. Otten von Anperingen, dez alten von krozzingen, dez Zeringers von Nüwenbvrge, Hrn. Böhart Hrn. Johanf, von Endingen vnn Hrn. Johannf von Wiswile vnn Peters von Rotwile vnd Johanf Wolframf. Vnd ze einem waren vrkunde aller der vorgeschribenen dinge, so han wir der vorgeante margraue Heinrich disen brief mit vnferm vnd vnserf vertern Grauen Otten von Strazberg vnn mit der vorgeschribenen Rittern Ingesigelen besigelt, vnd wir die eigener Ingesigelen niht enhant begnütet mit vnfers vorgeanten Herren margrauen Heinriches Ingesigele an difem brieve. Diz beschach vnd wart dirre brief geben dez Jars do man zalte von Gottf gebvrte drvzehen hvndert Jar, darnach in dem Sechsten jare an dem nechsten dvnrftage nach vnferre fröwen tage der Jvngeren.

Nota. Originali salva adhuc appendent sex figilla.